

西南稀見方志文獻

第三十九卷

中國西南文獻叢書

中國西南文獻叢書
第三十九卷
西南稀見方志文獻

中國西南文獻叢書·第一輯

西南稀見方誌文獻

第三十九卷



本輯主 編：林超民

張學君

王水喬

副主編：高 衝 尹 波

陳寶生 蕭霽虹

王 强

本卷目錄

貴州通志

〔清〕衛既齊修 薛載德等纂……………

一

貴州通志

【清】

衛既齊 修
薛載德 等纂

貴州通志

《貴州通志三十七卷》，清衛既齊修、薛載德等纂。本書據清康熙三十六年（公元一六九七年）原刊、一九六五年貴州省圖書館油印本影印，原書成品尺寸爲二十二厘米乘十四厘米，版框尺寸爲十七點六厘米乘十二點五厘米。

貴州通志序

余奉

命總制漢黔七載於茲矣興釐之暇每念兩省之疆域山川人文風俗不可無紀二十九年冬特疏

請修滇志仰奉

俞旨因思次第黔會有金江之巡未遲及也撫軍
衡公莊默下車未久百廢俱興舉瘡痍之民而
登諸衽席進草野之士而澤以詩書追食之餘
孜孜以纂修黔志為務彙集諸君咸有同心乃
為開局延儒廣稽博採或求遺編於灰燼之餘

貴州通志

+

或訪傳聞於父老之口甫半載而功竣適余以會勘之役下黔公餘覽勝談及風土爰出志稿索序余披閱一過因悉其全省建置之由歷朝治亂之迹以及星野形勢山川士田城郭宮室戶口阨塞宦賢人物禮樂兵農賸如指掌凡三十六卷黔志遂有成書矣因思黔雖天末遐荒計其財賦不足以當中州一大郡然其士風之淳樸民俗之近古猶有足多者焉今幸

聖天子在御輕徭薄賦選用良吏凡山海澁之民莫不含哺鼓腹熙熙皞皞於堯天舜日之下有

茲以往將見黔之戶口日增人文日盛與中州
比隆政未可量又曷可以荒服少之哉夫纂脩
黔志余之夙心也今撫軍諸司有以成之余得
樂觀其盛而為之序

年歲次在申孟冬月殺

總督臣崑崙
此等處地方軍務兼理糧餉兵部
右侍郎都察院右副御史加三級
蔣瀛陽范

貴州通志

▲

重修貴州通志序

國有史者有志人臣受一方之寄民生物命係焉苟不知其黔山之險夷土田之饒瘠人物之繁耗習尚之淳澆與夫興革損益之由治亂得失之故即欲興道起化整敝扶衰亦何以措之虞膜見而後鍼政可投雖端熟而後舟楫可濟雖有聖智莫或易也蕭何入關先收圖籍因知天下阨塞馬文淵聚米為山隴蜀以平朱晦菴所至訪求文獻以輯志乘前者後之師古者今之鑑也我

貴州通志

攝序

一

皇上聖德神功並包六合海隅日出罔不率俾地過

日月之表為章亥之所難窮爰

命禮臣纂修一統志貴州之志修於康熙十二年中

更叛亂散佚無存余下車再四搜求僅得抄本

數冊字漫漶不可讀慨然曰若此不修同於無

志也况哉定以來又逾一紀

皇仁益賜改銜設縣增學蠲租善政

新綸美不勝述尤不可以不紀乃多方訪購得郭青

螺先生點記一書青螺撫黔十載政修績著纂

輯是書尤屬殫心信而可徵惜亦殘缺八卷有

奇遂僉詢報政司董君按察司冊君來雖貴東

道陸君董其事延老成續學之士各視所長分

任羣野舉國慶田慶口山川形勝貢賦物產風

俗學校兵防武備等志余備於各官鄉賢二者

親為考校覈奏通志多畧點記多詳余則徵長

片善必謹志之有寧失之詳者蓋以貴州之名

宦鄉賢非他省可比也貴州後魏版圖才數百

年楚之莊臨漢之唐蒙鑿道經由不可謂官元

明以來建官稍繁於前又皆拓土開疆止有戰

功可紀聖明中葉官乃稱備顧以地處荒僻苗

貴州通志

攝序

土

頑難馴筮仕得此方輒多瑟縮不前有能震厲

風裁以功業自表見者可不謂之賢豪乎故余

重嘉嘆之以見人臣立功報國無分近遠皆足

不朽而况際

今日規模無外之極威文教武功照耀人寰者哉

天飛芝鄉賢眾矣猶名數實豈容漫膺而或因

氏族之聲顯或自誌銘之粉飾濫等與間者有

之貴州應猶述古務質樸恥誇詐雖有碩德懿

行恒隱而不揚加以數罹兵燹文獻落落耳目

親記勢難廣遠至有子若孫不能舉其祖父名

字官爵者其間所登不過存什一於千百尚有掛漏之嘆矧可見而不收收而不詳乎此余所以尤至謹也余何敢比於前人俾因此覽風土察形勢思民苗之雜揉觀生聚之艱難一皆於已試之效求之庶知所以仰布

皇仁綏靖邊裔以報稱

簡任隆恩於萬一已爾志修於康熙三十一年正月告成於是年十月其書三十六卷舉其梗概而為之序

皇清康熙三十一年歲次壬申孟冬月穀旦

貴州通志

撰序

序

巡撫貴州兼理湖北川東等處地方提督軍務都察院右副都御史衛既齊撰



貴州通志

撰序



重修貴州通志序

粵稽禹貢一書成于九州既定之後以紀夫山川土田物產貢賦之不同而又鑄為九鼎以象物使民知神姦不違不若周禮邦國之志掌于小史四方之志掌于外史此紀載志乘之所由來也余幼讀龍門之書漢武元鼎六年置牂牁牂牁越巂夜郎四郡以為益州宋元而來始置貴州即梁益荆楚之分也余初筮仕得楚之靖州在黔東歷宦司蜀梁在黔西北皆與之隣遂稍習其風土大抵山叢蠻雜地確民貧加以寇

貴州通志 藩序

亂相尋周劫尤甚辛未秋忝備黔藩由夜郎渡牂柯江見夫萬山戟列百里烟微厥土黑墳田皆下下途間所值率皆烏言卉服鵠面鳩形之倫視事後披覽版籍賦不過銀七萬兩米九萬八千九百餘石口壹萬六千六百八十有奇其幅幘風土可謂荒且陋矣恭逢我皇上深仁厚澤三十餘年武功暫定之餘休養生息鳩澤中而安集之浸浸乎戶口增流離復儼然滇蔡閩廣都會通年來文教誕敷黔人士濯磨砥礪炳然可觀間有潛修

績學隱岩穴甘貧約以束躬敦行者下及苗蠻

婦女亦知節烈卓卓可稱道于是嘆人之不為地限殊風者不可以其荒陋而忽也適

大中丞衛公來撫是邦虛中折節相與講求治道孜孜不少倦念通志一書修于康熙十二年未

及通行遭變版盡燬署中僅遺抄本又多殘缺舛訛不足以資考據垂永久也乃命余開局延

儒分類授簡以大參陸公董其事又自為裁訂惟詳惟覈自春徂冬八閱月而報成余受而讀

之舉方與象緯賦役兵防名宦先後之政績鄉

貴州通志 藩序

賢流寓之文章與夫死事之忠勤孤茆之貞操莫不蘆然大備方修輯之初殘篇斷簡茫無可依據余竊憂之踰月購得郭青螺黔記若干卷魚魯亥豕始有所折衷續購通省郡志邑志其舊有志者十才二三咸取而釐輯之其舊未有志者亦爭自蒐輯手錄成帙以佐見聞所未逮因得補十二年後之事為全書並前志所遺漏者亦加詳焉非敢謂修明之功可軼前人而竭上下之心力集遠近之耳目務使荒陋之域文獻可徵以對揚

聖天子休明之治而已矣雖然網羅舊聞以傳信者

外史小史之遺意也率作興事而不託諸空言

者岳牧守令之責也今黔田多石而維草其宅

土多瘠而舟楫不通苗多獷而反側不常何道

而使汙萊盡闢商賈熙攘桴鼓不鳴狂獠成俗

當亦備官茲土者所加意而綱繆也余敢不勉

乎哉故于是書之成序其畧于簡端

望清康熙三十一年歲次壬申孟冬月穀旦

貴州等處承宣布政使司布政使加三級董安

國謹序

貴州通志
藩序

三



貴州通志
藩序

重修貴州通志序

志何昉乎蓋古陽秋史乘之遺備輜軒所採訪
不苛歲廢者也然介荒服環以苗頑部落一綫
唐蒙所通道尺寸皆山地曉曉終歲丁賦所入
不足供文武庶寮吏卒之經費猶仰給金錢于
外省我

國家武功既定征馬乃拓水西平即出鐵叛藩屢
勤師旅橫清樓莫於吳黔中形勢扼粵蜀之臂
而扼楚滇之吭居然為西南一重鎮矣矧自
皇上文德漸摩洋溢中外者三十餘年聖神功化之

貴州通志
集序

十

極古來聲教所未及也爰

命廷臣纂輯大一統志直省通志無不畢修用資
華瀛旁羅點雖邊壤乎際大和會之辰典章文
物闕焉不備凡忝茲土者能不嘆于奔陋哉

大中丞銜公撫治黔疆勵羔羊素絲立節率蕩平

正直之道治未幾而通懷遠格政通人和公餘
摻訪遺乘或言先明沈龍二君所撰著久散佚

矣萬曆中郭青螺先生點記猶有存者

中丞購而讀之謂其經濟文章卓然史策即平播
餘閒裒集數十帙勒成一家之言當茲文獻無

徵而省志不備是余之責也夫會

制府范公滇志告竣

中丞喟而起曰滇黔均邊地也滇志先而黔志詎
容後維時廣川方伯開局延儒為之經理其事
大叅陸公條分縷晰增刪脫稿而折衷於

大中丞以鑒定之凡八閱月而奏成禮受而讀之
於圖輿見扼塞固圉之要焉于星野識賢聚使
臨之象焉於沿革辨分隸合建之宜焉於疆域
審門戶衣衾之戒焉於山川窺扶輿磅礴之奇
焉以言風俗則喬野而漸趨於文明也以言城

貴州通志
集序

七

池則高深而不衍于設險也以言戶口則休養
而將進於林總也以言田賦則斂薄而覃惠於
民尼也以言物產則方物而要歸於底慎也治
有純雜志職官而賢否於茲著矣民嗟鴻雁紀
公署而垣堵於茲惕矣士機城闕紀學校而後
造於茲升矣材不擇地紀選舉而天荒於茲闕
矣禮維崇報祀祠祀而功德于茲昭矣往哲冠
劍有藏也詳丘墓而勿淪蔓草昔賢銅鼓有遺
也詳古蹟而永懷典型與父子弟有歌也詳名
宦而競美甘棠辛陽濟美有里也紀人物而恒

貴州通志

集序

三

多毓秀瑯琊友愛有方也記孝義而竹汗流青
中壘箴規有傳也記烈女而巾幗生色他如流
寓則播詩辭於殊域倡道學於荒徼者有之隱
逸則盟林壑而肥遯就泉石以葆光者有之僊
釋則假宇宙以留神托竺曇而遯國者有之方
伎則效薄藝於卜簾試神靈於藥市者有之事
記則天時地氣之或殊受治民風之互異師武
臣之簡閱綢繆不可不精嚴也矢戎其可怠歟
羣彝長之竊縻約束不可不寬大也土司其可
苛歟卒讀藝文而高文典冊爛於斯經國籌邊

備于斯登高過物陶泳於斯遠望長歌慷慨於
斯美矣善矣堂哉皇哉昌黎云莫為之前雖美
勿彰莫為之後雖感勿繼點志之前有郭青螺
後有今

中丞非曠世而相感者哉禮浮沉閭閻巡歷興寧
辛未冬量移黔巢心惴惴焉仰體我

皇上刑期無刑之意以弼教典會黔省通志成而不
榮有感也嗟乎事有待而易其所難以歸于不

廢者

聖世溥樂利于無疆遂使椎巖刻木之倫盡登紀事

貴州通志

集序

四

鴻篇而永觀厥成也三苗昔稱不易即叙者而
今咸即叙矣綱是以往沐浴于

堯舜之仁壽岳牧載采以率羣僚俾師龔黃卓魯謀
農桑而胥敷誨戶有可封之俗人多方穀之徵
底革康而八蜡通推髻化而衣裳威雖謂邊陲
文物不足與中原相頡頏哉禮竊幸德化之盛
踊躍志成謹拜題數言以為嚆矢

皇清康熙三十一年歲次壬申孟冬月穀旦

貴州等處提刑按察使司按察使丹達禮謹序



重修貴州通志序

疆域有大小治道有難易世之設者於秦楚吳越齊晉諸邦莫不曰地大難治也至於黔獨易視之天黔豈易治者哉廣袤千里苗居其七民居其三有恒產而稱土著者鮮矣脫遇水旱災荒則相率而去其鄉故招集難也峻岷崇山草木黃萎舟楫罕達荆榛塞途魚鹽之利弗興商賈之足不至故生殖難也土官世其爵而不供其職蠻獠據其險而施毒於民夫官不供職官亦苗也苗而毒民苗苗即盜也習俗移人四維不

貴州通志 道序

十

張於是民之弗馴者還薄而善訟士之躍治者不務非之相與效之故教化難也然則黔終不可治與惟在操之有本末而行之有次第耳地取其厚歛從其薄地力既殫家有蓋藏而又不若於虐吏奸胥之培克詩有之適彼樂土如是則黔誠樂土矣雖驅之使去弗可得也於是教之以積貯通之以貿易遷制其令不違其俗勤其政不拂其情民有資矣彼夫學校詩書之所以為教冠婚祭祀喪葬之所以為禮甲兵律令之所以為威不既肆然有具乎有以範士於禮而

後民知惕於刑有以惕民於刑而後苗彝不敢奸於法有以勤懲乎羣吏而後土官之世其爵者知朝廷之尊而不敢不盡乎職如是微論黔之得與秦楚吳越齊晉諸邦埒也進而媲美隆古誰曰不可我

皇上總文武以為弛張合遠過而無忘泄梯航畢至聲教覃敷而於用人尤所加意既

命總制范公綜治滇黔綱舉目張民懷吏畏沐浴膏澤者七年矣又

命大中丞衛公來撫茲土下車之日見黔土之瘠以

貴州通志 道序

上

荒黔民之貧以僻幾忘履處焉於是播其規條躬行倡率茲庶懲貪詰奸禁暴諸

聖諭箴

文廟興義學行鄉飲酒禮修廢舉隆不遺餘力又念

黔志未備文獻無徵乃購遺書詢故老返食舊

燈親加考定有典有則憂乎大觀已非於校

正點畫之下伏而讀之喟然曰是書也其即公

治黔之本末次第乎夫善為政者因天之時察

地之利通人之紀而已矣是故占星候氣考驗

災祥非具文也勞民勸相之術於是乎在而且

以觀政事之得失山川城郭厥惟其舊而設險
固園道準諸此復墮衣衾之戒其敢忽諸由是
田賦戶口之登耗兵防驛務之脩否職官學校
選舉之咸衰名宦人物孝義節烈之多寡繫於
上人之風厲者其道安在是編也朝於斯夕於
斯鼓舞精神講求勿倦以仰報

聖天子簡昇之誠心而使域中方外遠遊化日大夫
君子咏歌太平詎不咸與剏剏將半適

總制范公所輯滇志告成頒示屬寮維時方伯董
公觀察丹公顧梓蕃而言曰滇黔天下之極邊

貴州通志

道序

三

也去

京師萬里地之廣狹不甚相遠苗民之雜處同經兵
燹之流離同

兩臺不忽其所易而圖其所難又同七年而後旋
者要其成也下車即從事於此者謀其始也職
思其居循名責實吾嘗敢不勉旃梓蕃矣郡無
識惟窮種郵傳之是守無能仰贊護猷惟粗舉
為治之本末次第以發明輯是編者之意於萬
一或者其有當乎敬援筆而述其說

皇清康熙三十一年歲次壬申孟冬月穀旦

督理貴州通省清軍糧驛事務兼分守貴東道
布政使司叅政陸梓蕃謹序



貴州通志

四

重修貴州通志序

志者史之餘也。然者吳越齊魯秦晉楚蜀之餘也。衣餘曰裔。匪裔不飭器餘曰羨。匪羨不飭升庵先生言之矣。由是觀之。匪然志則史不飭不完。而諸國之志亦不可云備。然志可小乎哉。大中丞衛公甫下車已。已。弱務在。庶席斯民苑。中庠序之教。培士氣。行鄉飲酒禮。咨訪諸利弊。次第頒行。一時典章彬彬。咸已更慮。茲疆。暨。兵燹文獻殘缺。鐫軒采風靡。所考證於是。延英分局潤色。編文。通志三十六卷。十閱月而告

貴州通志

竣。噫。厥功偉矣。章法因竊有感焉。天下之事積

久則玩。玩則必敝。敝則朽。往往然也。懲其玩治。其敝易其朽而維新之。非其人。不為功。昔念所青螺兩先生一志成於丁酉。一益成於己卯。炳炳烺烺。律稱大觀。今五十載來。風移世變。由搶攘而迄底定。自樸畧而躋文明。我朝車書大一統。弘綱小紀。典禮文物。為大書特書。豈所以鋪鴻藻。信景鑠歟。乃蒐斷簡於藝林。採遺聞於故老。直接江郭之薪。而快觀聲明之華者。其人同也。夫以黔土之荒民之瘠。椎斲鑿齒。

馴梗不常。而山川之所以扼其要。抵禦之新。以

峻其防。建置沿革之所以通其變。兵刑則思所以整戶口。則思所以贏田賦。則思所以開風俗。則思所以淳職官。則思所以格我公族。籍而實心布之。比於播。滅黎。戡之。續其軍。同也不寧。惟是天官之志。鬼柳。雖分職。方之。圖。楚。蜀。交錯。迄夫名賢廉吏。烈女貞夫。姓氏雖傳。儀型漸遠。如鉅公政事之。書。駁。登。臨。文。衡。衡。等。執。統。烟。蔓。草。若。存。若。亡。而公之精神學問。直包羅於數百年之前後。訂其疑。而晰其奧。顯其微。而表

貴州通志

其幽上繫

朝廷之德。禮政刑下繫。此邦之人心風俗。其輕重緩急。為何如是。書之。成。黜之。福也。百執事之幸也。小子不敏。濫竽學政。總總素餐。是懼賴公之書告成。而得以其名附於簡。不匪曰。揚。光。而巳。知公之所以治黔者。業已標其梗概。而國家集虎觀。石渠。諸彥。修一統志。以傳萬億載。必待斯編而後完。且飭也。於是乎書。皇清康熙三十一年歲次壬申孟冬月穀旦。提督貴州通省學政按察使司僉事華章。志讓。

貴州通志

凡例

一貴州志修於明者散佚無存惟撫臣郭子章點記猶可考見又多殘缺且止于萬曆三十四年

三

本朝康熙十二年重修原板旋經兵燬雖有抄本亦

缺畧未備今再加蒐採細益考訂始成完書

一志之綱目舊俱照河南體例今稍有增減亦在所必紀者為綱三十類之相從者附見分卷三十有卷其篇章多寡一以事之繁簡為定

貴州通志

一輿圖職方所係舊志殊為簡畧今詳加訂正增以圖說務使開卷瞭如指掌

一星野占驗不同先後異說今照天官諸書考其可信者從之俾無差謬

一建置沿革在明萬曆前者稍加改正後俱照新制更補以成畫一

一志體原無大事而大事之記作自郭子章則以

一隅雖小其間用入行政治亂得失俱不可以無紀也故仍之但其中華實有分畧各類者未免重複今悉裁之其續補者或訪諸故老或者

之見在皆不敢滋臆而失實

一山川在黔尤為叢雜其間靈秀者不少除舊志外於郡邑志中更為搜採其舊註之鄙俚寥落者重加潤色其郡縣混淆者悉為分別覺較前井然可觀

一田賦舊額新墾先後畧有不同悉照全書開載但舊有府總無州縣細數今一一詳明以便稽考唯戶口歷經變亂難以遽編亦照全書開載一驛遞舊止載驛站未開工食馬匹經費數目今悉補入

貴州通志

一職官文自州縣以上武自副將以上有地方之責者方錄所以昭職守也

一名宦人物非實有功德於民及嘉言懿行昭著耳目者不敢濫入其間有前志遺落並郡縣新報者悉增為增補

一孝義貞烈事關風化除舊志所載外雖有新報事蹟可考非有卓越之行著仍存郡志不敢濫登以志慎也

一學校造士之本而廟廡尤重故詳記其廢興改併然庠序雖設而禮